

## PROCEDIMENTO DE ADMISIÓN DE ALUMNADO CON ESTUDOS UNIVERSITARIOS ESTRANXEIROS (RECOÑECEMENTO DE CRÉDITOS)

Co obxecto de facilitar a incorporación de estudantes con estudos universitarios procedentes de sistemas educativos doutros países na UVigo establece un procedemento específico para a validación parcial destes estudos universitarios.

Este procedemento está dirixido a:

- alumnado con estudos universitarios estranxeiros non concluídos
- alumnado con estudos universitarios estranxeiros concluídos cando a persoa interesada, non solicite e declare que non vai solicitar a homologación do mesmo por un título universitario oficial español ou a equivalencia a titulación e a nivel académico universitario oficial español. No caso de tela solicitada deberá posuír unha resolución desfavorable á homologación na que conste expresamente a posibilidade de validar eses estudos parcialmente.

### Solicitudes

*Prazo:* nos meses de marzo e abril

*Lugares de presentación:*

- Preferentemente, na *sede electrónica* da UVigo  
Para os trámites en Sede as persoas interesadas poderán acceder mediante
  - DNI/NIE
  - certificado dixital ([manual sede](#))
  - clave PIN 24 horas ([vídeo da Axencia Tributaria Española](#))Poderá presentar documentación outra persoa como representante.
- Quen por algunha circunstancia excepcional, non poida realizar os trámites por sede presentará unha instancia e a documentación por correo certificado remitido á unidade administrativa do centro que imparta o grao obxecto do recoñecemento ou aos rexistros xeral e auxiliares da Universidade de Vigo:

Oficina de Asistencia en Materia de Rexistro do Campus de Vigo (Edificio Exeria - Campus de Vigo)

Oficina de Asistencia en Materia de Rexistro do Campus-cidade (rúa de Torrecedeira 86 - Vigo)

Oficina de Asistencia en Materia de Rexistro do Campus de Ourense (Edificio Administrativo - As Lagoas)

Oficina de Asistencia en Materia de Rexistro do Campus de Pontevedra (E.E. Forestal – A Xunqueira)

ou nas representacións diplomáticas ou oficinas consultares de España no estranxeiro.

Cando a titulación se imparta en mais dun centro da UVigo deberase optar unicamente por un deles.

### Documentación que debe acompañar á solicitude

- DNI, NIE ou pasaporte

- Certificación académica dos estudos universitarios realizados, na que se inclúa o número de materias e créditos superados na universidade de orixe, carga lectiva e sistema de cualificacións de procedencia. Á certificación académica nunha lingua distinta do galego ou castelán, acompañarase a correspondente tradución xurada. Neses casos a certificación indicará, así mesmo, as cualificacións máxima e mínima no sistema de avaliación correspondente e farase constar cal é a cualificación mínima para aprobar.
  - Programas ou guías docentes de cada unha das materias superadas, expedidas polo centro correspondente e plan de estudos que inclúa as materias que se esixen para obter a titulación de orixe que se pretende recoñecer, selado polo centro de procedencia.
  - Declaración de equivalencia da nota media de expedientes académicos universitarios realizados en centros estranxeiros, obtida a través do procedemento en liña establecido polo Ministerio de Educación e Formación Profesional.
- 
- No caso de estudos parciais, declaración xurada de non ter finalizados os estudos que se pretende recoñecer, e en caso de que os estudos estean concluídos:
    - A. Declaración xurada de non ter iniciado simultaneamente un procedemento de homologación ou equivalencia ao nivel universitario oficial do título en España.
    - B. Denegación da homologación na que conste expresamente a posibilidade de recoñecer parcialmente materias nunha universidade española.
  - O alumnado con titulacións de países alleos ao EEES, no momento da formalización da matrícula terá a certificación académica legalizada por vía diplomática nas embaixadas ou consulados de España e co visto e prace do Ministerio de Asuntos Exteriores de España.  
As seladas coa Apostilla de La Haya non precisan outra legalización diplomática ou consular. Estes requisitos non se esixirán para os documentos expedidos polas autorizacións de estados membros da Unión Europea ou signatarias do Acordo sobre o Espazo Europeo.

## **Criterios** para o recoñecemento:

Serán susceptibles de validación as materias superadas sempre que as competencias e os coñecementos adquiridos sexan equivalentes ás correspondentes materias incluídas no plan de estudos ao que se pretende acceder, que non poderá estar en proceso de extinción xa que non poderán cursar materias das que non se imparta docencia. As materias recoñecidas terán equivalencia en puntos correspondente á cualificación obtida no centro estranxeiro de procedencia.

**Resolución** das solicitudes: antes do 31 de maio

# Universidade de Vigo

A resolución de recoñecemento terá validez mentres estea en vigor o plan de estudos da titulación obxecto de recoñecemento, sen embargo, a admisión só valerá para o curso académico para o que se solicite.

Quen obteña recoñecementos sen admisión por non dispoñer de prazas suficientes para esta vía, terá que solicitar admisión a través dos procedementos que estableza a CiUG. Neste suposto e cando o recoñecemento sexa de menos de 30 créditos, os estudos de acceso á universidade de procedencia deberán ser homologados aos correspondentes ao bacharelato do sistema educativo español, sen necesidade de superar probas de acceso, salvo que a persoa solicitante desexe aumentar a súa cualificación de acceso, segundo o establecido no R.D. 412/2014 e, no acordo das universidades públicas do sistema universitario de Galicia sobre os procedementos de admisión aos estudos universitarios oficiais de grao do sistema universitarios de Galicia para o curso 2021/2022

A UVigo poderá esixirle unha proba de idioma ás persoas admitidas que sexan nacionais de Estados que non teñan como lingua oficial o castelán.